

ILUARSISSUTIT

Siunnersuut 16. august 2017-imik ullulerneqartoq taarserpaat

Tunngavilersuut

Inatsisartut inatsiseqarnermut immikkoortortaata, siunnersuutip inatsisinut tunngasortaanik misissuereerluni, siunnersuutip teknikkimut oqaasertaanullu tunngatillugu allannguutissai assigiinngitsut siunnersuutigai, matumani ilanngullugit § 17-ip marloriarlugu atorneqarsimanageranut aaqqiissutissaq, §§-ini 14-imi 17-imilu innersuussinernut aaqqiissutissaq, kiisalu § 13-imut oqaaseqaatissat kukkusoqarneratigut §§-inut 11-mut 12-imullu ilanngunneqarsimasut inissaannut ilanngunneqarnissaat.

Siunnersuummik misissuineq taama kingusitsigisumik pisimammat, siunnersuummut iluarsissutinik nassiussaqaarnissaq pisariaqartutut isigineqarpoq.

Uunga siunnersuut: Kalaallit Nunaanni aalisarnermi pisarineqartut isumalluutininik atuinermut akitsuutaat pillugit Inatsisartut inatsisaat nr. xx, xx. xxx 2017-meersoq
(Aningaasaqarnermut Akileraartarnermullu Naalakkersuisoq)

Saqqummiussissut

Siullermeerneqarnera

Kalaallit Nunaanni aalisarnermi pisarineqartut isumalluutininik atuinermut akitsuutaat pillugit Inatsisartut inatsisissaattut siunnersuut Naalakkersuisut sinnerlugit matumuuna saqqummiutisavara.

Tamatta aalisakkanik isumalluutitsinnik atuneq tamatsinnut iluaqutaassaaq. Annaasaqaratarsinnaalluni aningaasaliiffiginneq soorunami imminut akilersinnaasariaqarpoq, kisiannili inuussutissarsiut toqqammaveqarluartunngoreersimappat iluanaaruteqarluartoqarpallu inuiaqatigiit pinngortitamit isumalluutit aqqutigalugit iluanaarutit ilaannik naammaginarunik pilsarseqataanissaat pissusissamisoorpoq. Taamaammat nunap aalisakkanit isumalluutaasa assigiinngitsut akitsuuteqartinneqalernissaat Naalakkersuisut kissaatigaat.

Naalakkersuisut aalisakkanik nalinginnaasumik akitsuusersueriaasissap sularineqarnissaa siunertaralugu 2016-imi suleqatigiissitaliorput, ilaatigut Namminersorlutik Oqartussanit, aalisarnermik inuussutissarsiutilinnit, kattuffinnit, aningaaserivinnit siunnersortinillu avataaneersunit peqataaffigineqartumik, taakkulu tassaapput suliassap atorsinnaasuunissaanik qulakkeerisussat aammalu akitsuusersueriaatsit assigiinngitsut pitsaaqutaannik ajoqutaannillu allaaserin-

nillutillu nalilersuisussat. Suleqatigiissitap suliani 2017-imi upernaakkut naamassillugu nunatsinni aalisarnermi pisuussutinit iluanaarutit pillugit nassuiaat kiisalu pisuussutinit iluanaarutinit akitsuusersueriaasissat nutaat pillugit siunnersuut saqqummiuppaa. (Kalaallit Nunaanni aalisarnermi pisuussutinit iluanaarutit pillugit nassuiaat aamma pisuussutinit akitsuusersueriaasissat nutaat pillugit siunnersuut)

Isumalluutinik atuinermi iluanaarutinit akitsuusersueriaasissaq nutaaq pillugu inatsisissatut siunnersuut nassuiaat tunngavigalugu suliarineqarpoq, tamanullu tusarniaassutigineqarluni. Siunnersuut tusarniarneqartut akissutaat tunngavigalugit annertuumik allanngortiterneqarpoq, maannalu tassaalerluni raajanut akitsuutit atuuttut aallaavigalugit akitsuusersueriaasissatut siunnersuut pisariinnerusq.

Naalackersuisut taamaalillutik siunnersuutigaat isumalluutinik atuinermut akitsuummik, kaaviiartitat naapertorlugit naatsorsorneqartartussamik atuutilersitsinissaq. Akitsuut tunisinermi akiusup procentinngorlugu ilaatut akilerneqartassaaq, procentinngorlugu ilaata angissusissaa aalisagaqatigiit tunineqarneranni agguaqatigiissillugu akiusup akit minnerpaaffissaattut aalajangersarneqartunik assigiinngitsunik qaangiisimaneranit aalajangerneqartassalluni. Akit minnerpaaffissaat akitsuusersuinissap killilersimaarneqarnissaa siunertaralugu ilanngunneqarput, tassuunakkullu minnerunngitsumik qulakkeerniarlugu aalisarnerit imminut akilersinnaanikin-nerpaat isumalluutinik atuinermut akitsuut atuutilersinneqaraluarpalluunniit imminut akilersinnaajuarnissaat.

Aalisagaqatigiit tunineqarneranni agguaqatigiissillugu akiata akit minnerpaaffissaattut angissusiliunneqartut qaanginnigppatigik, tunngaviusumik akitsuut taarsiullugu akilerneqartassaaq. Tunngaviusumik akitsuut kiilumut akitsuutaassaaq aalajangersimasooq, aalisakkap tulaanneqarnera nunanulluunniit allanut tunineqarnera angissusianut aalajangiisuussalluni. Tunngaviusumik akitsuut aalisarneq pillugu suliassaqarfiup iluani allaffissornermut aningaasartuutinik matussuseeqataassaaq.

Erseqqissumik oqaatigalugu siunnersuutaavoq, isumalluutinik atuinermut akitsuut ima aqqis-sorneqassasoq, pisat ilaannut inummut pingajuusumut tunniunneqartunut imaluunniit Kalaallit Nunaannit anninneqartunut tunngatillugu isumalluutinik atuinermut akitsuut tassaassasoq akitsuut aalajangersimasooq, akitsuusigassat 5 procentiattut annertussusilik, tassa aalisagaqatigiit pineqartut kvartali annissiffiusooq tunniussivisorluunniit kvartalinik marlunnik sioqqullugu tunineqarneranni agguaqatigiissillugu akiat kiilumut 12 kr.-iuppat angineruppalluunniit.

Aalisagaqatigiit kvartali annissiffiusoq tunniussiviusorluunniit kvartalinik marlunnik sioqqullugu tunineqarneranni agguaqatigiissillugu akiat kiilumut 17 kr.-init angineruppat, akitsuutip procentia aalisagaqatigiit tunineqarneranni agguaqatigiissillugu akiat kiilumut 17,00 kr.-i qaangerlugu koruunit aallartinneri tamaasa 1 procentpointimik qaffattassaaq, taamaasilluni agguaqatigiissillugu akiusoq kiilumut 25 kr.-iuppat, akitsuut tassaassalluni kaaviiartitat 13 procentiat, taavalu agguaqatigiissillugu akiusoq kiilumut 25 kr. 50 øre-uppat akitsuut tassaassalluni kaaviiartitat 14 procentiat.

Akitsuutip qaffasinnerpaaffissaata 17 procentiunissaa siunnersuutigineqarpoq, tassa tunisiner-mi agguaqatigiissillugu akiusup kiilumut 29 kr.-iusup nalinga.

Pisat ilaannut tunitsivimmut tunisassiorfimmulluunniit tulaanneqartunut tunngatillugu, isumalluutini atuinermut akitsuut aalajangersimasoq, akitsuusigassat 5 procentiattut annertussusilik akilernerqartassaaq, aalisagaqatigiit kvartali tulaassiffiusoq kvartalinik marlunnik sioqqullugu agguaqatigiissillugu akiat kiilumut 8 kr.-iuppat angineruppalluunniit. Tassunga ilaatigut tunngaviuvoq sinerissap qanittuani aalisarnerup ilarujussuata tulaassisussaataa-nermik aalajangersaavigineqarnera, aalisarnerqartullu pisarineqarnermik kingorna suliareqqinnerisigut naleqarnerulersinnissaat taamaalilluni periarfissaqarani.

Pisat ilaasa Kalaallit Nunaannit anninneqartut inummulluunniit pingajuusumut tunniunneqartut tunineqarneranni agguaqatigiissillugu akiisa kiilumut 12 kr.-init minnerunerisa, imaluunniit pisat ilaasa tunitsivimmut tunisassiorfimmulluunniit tulaanneqartut tulaanneqarneranni agguaqatigiissillugu akiisa kiilumut 8 kr.-init minnerunerisa kingunerissavaat, isumalluutini atuinermut akitsuummik akiliisoqannginnissaa, tassungali taarsiullugu akilernerqassalluni tunngaviusumik akitsuut, tassa pisat ilaannut tunitsivimmut tunisassiorfimmulluunniit tulaanneqartunut 5 øre, pisallu ilaannut Kalaallit Nunaannit anninneqartunut 20 øre.

Agguaqatigiissillugu akit minnerpaaffissaat kiilumut 12 kr.-iusoq aamma kiilumut 8 kr.-iusoq, aalisakkanut akit maannamut ator-neqartut agguaqatigiissinnerannut ersiutaapput, siunertaa- vorlu pingaartumik sinerissap qanittuani saarullinni- arnerup akitsuusersugaanerani killilersi- maarinninnissaaq, akerlianillu tunisiner-mi agguaqatigiissillugu akiusut naatsorsorneqartarput tunisiner-mi akiusut tunisallu amerlassusii Akileraaruseriffimmut nalunaarutigineqartartut, kii- salu taakku pillugit paasissutissat Kalaallit Nunaanni Aalisarsinnaanermut Nakkutilliisoqar- fimmeersut tunngavigalugit.

Siunnersuutigineqarpoq isumalluutini atuinermut akitsuut aalisakkanik ikerinnarsiortunik aalisarnermut atuutinneqanngikkallassasoq, aalisakkallu ikerinnarsiortut kiilumut akitsuutaat maanna atuuttut atortiinnarneqassasut.

Inatsisissatut siunnersuut tassungalu oqaaseqaatit naggataagut innersuussutigaaqka.

Taamatut oqaaseqarlunga siunnersuut Naalakkersuisut sinnerlugit Inatsisartunut suliaasangortippara.